

宋史

第十
卷

宋史
卷十

PDG

宋史卷四百五十二

列傳第二百十一

忠義七

高敏

張吉

景思忠

弟思立

王奇

蔣興祖

郭許

朱有附

吳革

李翼

阮駿

趙士崧

士醫古真士適士跋叔叔篤訓之陳自仁津之壘之劉玠一

陳淬

黃友

郝仲連

劉惟輔

高子孺附韓青附

牛皓

高萬任安秦元韓琪張亨

魏彥明

劉士英

王景

翟興

弟進

朱蹕

朱良方允武

龔楫

蔣子春

李亘

孫安道

凌唐佐

楊粹中

彊霓

康傑李伸

郭偃

郭贊王選吳從龍

司馬夢求

林空齋

黃介

孫益

顧緒顧珣

王仙

曹琦

吳楚材

李成大

陶居仁

高敏登州人爲涇原指使數與西夏戰遭重傷范仲淹韓琦皆薦之爲閤門祇候歷利州路邠寧環慶都監主蕃部事羌圍大順城偏將趙懷德力戰其下以銀買級王帥李復圭以所部不整欲治之敏言懷德善用人戰必勝當略其小過且蕃官難彊以漢法復圭乃止羌人聲言將出鄜延敏屢白復圭曰兵家之事聲東擊西環慶嘗破白豹金湯結釁已深不可不備已而果以兵三十萬來寇總管楊遂駐兵大義以敏爲先鋒將夏人攻奪大順水砦敏出通路自寅及午且戰且前多所斬獲次榆木援兵不至中流矢歾年五十七官止東頭供奉官詔贈嘉州刺史錄其三子爲侍禁殿直

張吉者慶州卒也爲淮安鎮守烽夏人寇東谷掠得之脅以兵使呼城中曰淮安諸砦已破宜速降吉反其辭曰努力諸砦無虞賊

糧盡且去矣毋庸降賊怒害之詔贈內殿崇班又錄其子

景思忠字進之普州安岳人以父西上閤門使泰蔭累官西京左藏庫使爲遂州駐泊都監夷人寇洴井鈐轄張承祐出兵救之思忠部卒五百爲前鋒夷乘險薄官軍官軍戰不利外者十之六左右勸思忠引避不聽奮劒疾戰而死走馬使張宗望爲言詔察訪熊本考實得其事神宗憫之官思忠及同外者之子七人餘皆賜其家錢帛

弟思立以蔭主渭州治平砦囉兀用兵韓絳使攝保安軍夏人寇順寧思立擅領兵赴援諸將敗一軍獨全以功知德順軍策應王韶取熙州過洮築當川堡克羌香子珂諾城遂定河州嘗與羌力戰斬不用命者數人軍聲大振韶言其臨事忠勇進如京副使通事舍人再擢東上閤門使河州刺史賜繡旗朱甲又遷四方館使

河州團練使知其州神宗知思立母老而未有官舍命其弟思誼爲秦州判官以便養青宜結鬼章舉兵襲殺伐木卒害小校七人以書抵思立詞不遜思立不能忍帥兵六千攻之于踏白城鈴轄韓存寶蕃將瞎藥交止之不聽自將中軍使存寶及魏奇爲先鋒王存將左賈翊將右鬼章眾二萬分三砦以抗官軍戰數十合羌從山下圍中軍他將王靈李元凱沒于陳思立存寶潰圍出眾將多傷議曰日暮兵疲宜移屯東岡以自固思立以魏奇創重獨徙其軍方遣之而殿後兵亂前人望見亦皆潰思立已鬪且退曰我適以百騎走羌數千人無助我者今敗矣當自剄以謝朝廷眾止之少頃再戰遂歿時已除忠州防禦使會其死不及拜帝以其輕敵致敗不復贈官

王奇汾州人武舉中第章惇經營湖北溪洞以爲將領降其酋舒

光貴縛元猛平懿洽等州累遷如京副使爲湖南都監徙廣西宜
州蠻寇邊奇領兵至天河縣期旦日會戰裨將費萬夜以眾竊出
河泥隘戰沒經略使移書迫奇奇不能堪後數日蠻萬人驟集奇
輕出遂敗麾下猶數百人勸策馬逃去奇罵曰大丈夫當盡節以
報國何走爲戰而死詔贈皇城使忠州防禦使官其家六人仍賜
金帛

蔣興祖常州宜興人之奇之孫也以蔭累調饒州司錄睦州盜起
旁郡皆震興祖白州將糾吏卒緝戰具盜不敢謀以功遷官知開
封府武陽縣武古博浪沙地土脈脆惡大河薄其南嘗積雨汎溢
埽具潰興祖躬救護露宿其上彌四旬隄以不壞治爲畿邑最使
者交薦之靖康初金兵犯京師道過縣或勸使走避興祖曰吾世
受國恩當死于是與妻子畱不去監兵與賊通斬以徇金數百騎

來攻不勝去明日師益至力不敵歟焉年四十妻及長子相繼以
悸歿詔贈朝散大夫

郭濟德順中安堡人從軍積官至武經郎爲涇原第八副將金人
犯陝西渭帥以下叛降獨濟義不許稱病去帥惡忌之傳致以臯
下之獄脅使俱降濟奮而呼曰大丈夫今得歿所矣終不能受汙
叛逆大惡天地所不容吾雖歿誓不爾貸當訴于地下耳眾醜其
語卽殺之建炎三年贈武翼大夫忠州刺史同歿者朱友恭西安
人以忠翊郎爲涇原第一副將步兵扞金人於華亭數有功會金
兵大集友恭赴敵力戰爲所得渭帥旣降誘以甘言許優進官秩
不可從更詆辱之帥不勝忿斷其脛以徇經日乃斬之後贈敦武

郎

吳革字義夫華州華陽人國初勲臣廷祚七世孫也少好學喜譚

兵再試禮部不中乃從涇原軍以秉義郎幹辦經略司公事金人南牧帥兵解遼州之圍使粘罕軍見之庭揖不拜責其貪利敗約詞直氣勁粘罕少屈爲追回威勝諸屯兵授書使歸欽宗問割地與不割地利害對曰金人有吞噬之意願悉起關中士馬赴都爲備詔以爲武功大夫閤門宣贊舍人持節諭陝西行至朱遷聞金人犯京師復還與張叔夜同入城請於帝乞幸秦州又乞出城劫之使不敢近又乞諸門同出兵牽制衝突尾襲應援可一戰而勝時眾言已入皆不果後金兵攻安上門填道度壕革言之守將使洩蔡河水以灌之不聽及填道將合欲用前議則水已涸矣車駕幸金營革以爲墮其計往請叔夜欲身見其大酋計事叔夜問其故曰茲行有三說一則天子還內二則金騎歸國三則革歿叔夜爲言之不報上皇妃后太子出郊革白孫傳乞畱之不得乃與傳

謀於啟聖僧院置振濟局募士民就食一日之間至者萬計陰以軍法部勒將攻金營久之遷于同文館所合已至數萬多兩河驍悍之士旣而有立張邦昌之議革謀先誅范瓊輩以三月八日起兵謀旣定前期二日有班直甲士數百人排闥入言邦昌以七日受冊請亟起事革乃披甲上馬至咸豐門四面皆瓊黨紿革入帳卽執之脅以從逆革罵之極口引頸受刃顏色不變其麾下百人皆歾

李翼麟州新秦人宣和末爲代州西路都巡檢使屯崞縣金人取代執守將嗣本遣來諭降翼射卻之帥士卒堅守義勝軍統領崔忠殺都監張洪輔夜引金兵入城翼挺身搏戰達旦力不敵被執酋粘罕欲臣之怒罵不屈與縣令李聳丞王唐臣尉劉子英監酒閤城將官折可與同歾之阮駿者興化軍人紹聖元年進士爲河

南府少尹金人犯京師率所隸兵擁護神御殿抱神御罵聲不絕曰卒被害特贈朝議大夫

趙士隆字景瞻太宗之後生五歲補右班直既長遊庠序月試數居前列一日投筆歎曰昔賢有不願爲章句儒出玉門關佩侯印者彼何人哉遂不復事科舉去爲郡縣吏累遷至淮南西路兵馬鈐轄駐壽春劇賊丁一箭眾號十萬來攻城郡守不知兵凡備禦之策悉委士隆賊三旬不退士隆募軍中敢死士與之謀有張宣者應募獨持槊縋城下擊殺數十人賊眾披靡乃選壯士數百人夜開城門出其不意擊走之追奔數十里以功遷三官秩滿授江東路鈐轄李成叛據江淮六七郡連兵數萬遣其黨馬進圍九江守臣姚舜明與士隆及副鈐轄劉紹先禦之進攻城益急士隆竭力捍守江東帥呂頤浩屯鄱陽既復南康與建武節度使楊惟

中兵會遣統制巨師古援江州未至遇伏敗紹興元年正月詔張
俊爲江淮招討使入辭頗言成兵眾高宗責以立功俊悚懼受命
未至城已陷時守城罷卒僅數千捍賊百餘日城中食盡舜明紹
先議縱火因棄城去士嶴毅然獨糾合部曲餘民守城城破眾號
呼曰無殺我趙鈐轄賊入城大掠成素服士嶴之義欲以爲僞安
撫使士嶴怒罵曰賊欲屈我邪陰裂帛以書使示諸子曰賊不殺
我義不苟活汝輩得出爲我雪恥遂仰藥而卒年五十二賊怒并
害其家數十口事聞上嘉悼贈武功大夫官其孫二人士嶴六子
皆有文行不愆不忤不愆不懣不懣不隱是役也不忤不懣不隱
歿焉又宗子有士醫士真士適皆以歿事聞

士醫任秀州兵馬都監建炎四年元朮入州士醫乘城拒戰城陷
歿之後贈武翼大夫官其二子

士真權知陽信軍寇劉滿至士真拒之兵潰滿執之去荆門遇害
後贈右朝奉大夫官其一子

士遁以武翼大夫守官江州紹興五年馬進寇江州士遁遇害贈
武德大夫官其家二人

士跋濮王曾孫也靖康末爲右監門衛大將軍吉州團練使金人
驅宗室北行士跋得間道遁去居邗州結士豪將舉事有告者金
人執而殺之事聞贈保寧軍節度使謚忠果

叔皎秦悼王四世孫元豐中爲右班殿直累遷至德州兵馬都監
自靖康以來劉順呂拱劉亨相繼謀叛叔皎皆設方略捕擒之建
炎二年金人圍城郡檄叔皎率兵禦之前後大戰圍急有江詰者
與郡守宗諒謀以城降叔皎斬詰以徇金人登城叔皎猶力戰勢
窮被執怒罵不屈遂遇害

叔憑建炎間任陝州都監累官武翼大夫就遷通守金人圍陝州
既久援兵不至城危時叔憑子官盧氏遣以蠟丸書曰人臣當死
國難況吾以近屬其可辱命邪死固其所也遂死之時通判王潁
職官劉效陳思道馮經李岳杜開縣令張玘將佐盧亨等五十一
人俱死無降者

訓之字誨道秦悼王五世孫父叔侯官至惠州防禦使訓之登政
和二年進士調東平儀曹知平江府吳縣朱勔怙勢役州縣訓之
不爲屈勔嘗執數輩詣縣請治訓之悉縱之忤勔遂移疾去宣和
末盜起河北訓之屢與人言契丹舊盟未可渝金人新好未可恃
未幾金人犯京師訓之居揚州率大姓募士勤王聞都城失守乃
止建炎三年知吉州永豐縣孟太后避地虔州護衛統制杜彥與
其麾下叛後軍楊世雄應之將犯永豐訓之與尉陳自仁簡兵分

爲二一取間道遶賊後一據地利匿其精兵以誘賊賊至伏發殲其眾會賊別校繼至官兵未成列訓之率數十輩拒戰厲聲罵賊與自仁俱被害事聞詔贈訓之朝散郎直祕閣諡忠果自仁通直郎官其子巨人爲立祠太后之發吉州也至太和眾皆潰從事郎三省樞密院幹辦官劉德老爲金人追騎所殺官其家一人是年金人過江陳淬戰歿岳飛等兵皆引去上元丞趙壘之帥鄉兵迎敵歿之贈奉議郎官其家一人

聿之安定郡王叔東子也建炎中爲成忠郎金人圍潭州帥臣向子諲率眾守城聿之隸東壁子諲循城顧聿之曰君宗室不可效他人苟簡聿之感慨流涕金兵登城縱火子諲率官吏突門遁去城遂陷聿之巷戰大罵而歿將官武經郎劉玠亦歿之事聞贈聿之左監門衛大將軍玠武經大夫皆官其家其後朱熹爲請立廟

賜號忠節

陳淬字君銳興化軍莆田人紹聖初下第挾策西遊時呂惠卿帥
鄜延淬戎服往見惠卿問相見何事淬曰大丈夫求見大丈夫又
何事惠卿器之補三班奉職與西人接戰于烏原手殺十餘人擒
其砦主奏爲左班殿直鄜延路兵馬都監累遷武經郎丁外艱宣
和四年召赴闕授眞定路分都監兼知比砦河北第一將尋拜忠
州團練使眞定府路馬步副總管七年金人入眞定淬以孤軍禦
之妻孥八人皆遇害建炎元年辟諸軍統制宗澤命擊金人於南
華敗之兼大名府路都總管兵馬鈐轄擢知恩州王善者金之種
落也擁兵十萬長驅兩河遂襲恩淬與長子仲剛拒戰賊飛刃及
淬仲剛以身蔽刃歿之明年善復圍陳州淬大敗善兵拜宿州安
撫使李成叛詔以淬爲御營使六軍都統淮南招撫使討之三戰

三捷未幾金人犯采石又檄淬回援建康淬將中軍戚方將前王
璦將後淬曰彼眾雖多然止有二十艘一艘不越五十人每至不
過千人吾伏兵葭蘆翳薈間俟其旋濟旋獲前後不相知訖濟當
盡獲矣杜充不從金兵遂犯板橋諸軍皆潰淬獨與戰勢窮力盡
據胡床大罵刃交於胷而色不動與其從子仲敏俱歿詔贈拱衛
大夫明州觀察使官其一子一媚

黃友字龍友溫州平陽人少不羈十五入太學語同輩曰大丈夫
不能爲國立功亦造化中贅物耳因投筆西遊邊帥劉法一見奇
之延致門下會西鄙軍閥都護高永年戰沒友作七詩哀其忠其
後幕府奏功沒永年之實恤典不及其子以友詩進徽宗覽之惻
然遂加贈諡友亦免省試登進士第調永嘉瑞安二縣主簿攝華
陰令有政聲方臘竊發友同諸將收復所至披靡婺寇復作守畱

友攝兵曹爲殄滅計友請往諭之既次浦江賊望風解去復單騎
次武義賊眾持釘一榼置其前友正色叱之曰汝等何速死邪賊
首李德壯之亟麾退一境帖然婺人圖像祀之通判澶州會金人
敗盟郭藥師以常勝軍叛燕士響應友獨領數千人與之戰躬冒
矢石破裂唇齒欽宗卽位制置使詹度奏友久服武事籌略過人
丞相何卓從而薦之召對問友唇齒破裂狀爲之稱嘆資子甚渥
進直徽猷閣制置司參謀官同种師中解太原圍友遣兵三千奪
榆次得糧萬餘斛明日大軍進榆次十里而止友亟白師中地非
利將三面受敵論不合友仰天嘆曰事去矣迨曉兵果四合矢石
如雨敵益以鐵騎士卒奔潰敵執友謂曰降則赦汝友厲聲曰男
兒外耳遂遇害帝書忠節傳家四字旌其閭官其後八人友體貌
英偉膽雄萬夫謀畫機密出人意表嘗語子弟曰天下承平日久